



BIBLIOTECA Nacional Aruba (BNA) kier a gradici un y tur cu a contribui na exito di e di 23 Festival di Buki pa Mucha. Un biaha mas BNA a pone atencion na promocion di lesamento, cu ta sumamente importante, pa medio di bishita di autornan tanto local como di afor, na casi tur scol preparatorio, basico y special. Un palabra di danki 'e scolnan Pius X School pa nan presentacion durante e Apertura y na Emma School 'e Clausura di e Festival cu a tuma lugar diabierna ultimo. Tambe na tur e sponsornan cu a contribui na e Festival, muy en particular e comercial sponsor principal RBC Royal Bank.

E Regalo di Siman di Buki (RSB), skirbi pa Curt Fortin y ilustra pa Mariëlla van de Beek a wordo entrega na Gobernador sr. Fredis Refunjol y na VNOA, sra T. Timmermans.

E RSB “Een Reu...reu...reuzenslang! Un Co...co...celebra grandi!” ta obtenibel gratis 'e Librerianan cu a participa 'e Festival di Buki pa Mucha, cu cada compra di un buki di mucha na un balor minimo di Afl.25,-.

Biblioteca Nacional ta invita tur mucha bin sigui presta e bukinan di eAautornan cu a participa durante e siman di buki 'e scolnan, pero tambe di bukinan cu tin di haber cu e tema. Ban sigui lesa!